

Адг гидг селәнә культури өслтин зура

Мана орн-нутгин олин келн амти, эдл-ахун долан джилин зураг күңә-хин кергг, эврәннь культури өслтән болн бәәдл-джиргълән ясрулдж цуг күчн-чидлән негдүлдж, уралан зүт-кдж йовцхана. Эн агъу ик зуран ту-уджлгч чинринь эврәннь Адг селәнә амтид цәәлгъдж өгәд, авси даалгъвран ахр цагин болзгт күңәх эваргъ хәәдж йовнавдн. Мана селәнә кәдләчнр, үүлд цергләчнр болн малчнр 1960—1961 джилмүдт гегән-герлин кәдлмшән, бәәдл-джиргъл өөдлүллгәнә кәдлмшән зүткдж кехми гидж, селәнә хургтан даалгъвр авцхав.

Эн джил мана селәнд гегән-герлин кәдлмш зөвәр ясрв. Сарул, сәәхн клубд, нег бийднъ библиотек болн умшлгәнә зал бәәнә. Эн библиотек селәнә умшчнриг, үвлзньгд бәәх совхозмудин, колхозмудин малчнриг дегтрмүдәр теткнә, кеер бәәдг малчнрт

дегтр эргәд йовад түгәдг зургъан библиотек бәәнә. 1960—1961 джилмүдт 35 минъгън арслнъ гаргъад тосхлгәнә кәдлмштнъ дөнъ болад, умшлгәнә сән, ик, сарул хорага библиотек тосххар шиидвдн.

Эн джил бар тархалгәнә кәдлмш өөдлүлх болвдн. Джилдән 450 газетст болн журналмудт бичгдх даалгъвр авбвдн. Селәнә агитатормуд цәәлгъврин кәдлмшән тасрхан угагъар сәәнәр кех болдж үгән өгцхав.

Мана селән Прудовск МЖС-лә хамдан эврә электростанцта. Шин цө-өкн бәрси гермүдт электрическ герл, радио орулгдад уга. Шин джил ургътл электрическ герл, радио кех болдж МЖС-н директор үр Звягинцев үг өгв.

Селәнә комсомольцнр, сургъульчнр, уульнцин комитетс хавртан ургъа мод икар тәрдж, селәгъән модар көкрүлдж кеерүлхми гидж шиидцх-

ав. Эртәснъ сәәнәр белдврин кәдлмш кех болв: герин газакан хашалад, арчх, мод тәрх нүкинъ малтх, гәрх моддан хавртан килмджтәгъәр йозуринъ эвдл уга гермүдин өөр, уульн-цар тәрх болцхав.

Селәндән спортивн площадк кех болвдн. Эн кәдлмшиг селәнә багъчудт, ДОСААФ-т даалгъгдв.

Селәнә багъчуд эврә дурарн нәр-наад үзүлдг кружокд орад, селәнә кәдләчнрт, малчнрт шишлнъ нәр-наад үзүлх болцхав. Тедн кәдлмшән эжлад кеджәнә.

Иигәд Черноземельск района Адг селәнә кәдләчнр, үүлд цергләчнр, малчнр, комсомольцнр, сургъульчнр хойр джилин эргәд селәгъән сәәхр-үлхәр, гегән-герлин цуг кәдлмш өөд-лүлад, бәәдл-джиргъл ясрулад, культури кевәр бәәх даалгъвр авцхав.

ЦОРГЪАН Лиджи-Гаря.

Селәнә Советин депутат.